

## **Naziv suda: Apelacioni sud Brčko distrika Bosne i Hercegovine**

### ***Analiza pokazatelja iz statističkog izvještaja o poštivanju optimalnih i predvidivih rokova:***

Podaci iz godišnjeg Izvještaja o poštivanju optimalnih i predvidivih rokova za 2020. godinu pokazuju da je u radu bilo ukupno 539 predmeta, od čega je završeno 507 predmeta ili 94 %. Od ukupnog broja riješenih predmeta, u optimalnom odnosno predvidivom roku je završeno 477 odnosno 483 predmeta ili 95 %. U ovom izvještajnom periodu 24 predmeta je završeno sa prekoračenjem predvidivog roka ili 5 % od ukupnog broja završenih predmeta. Prosječno trajanje riješenih predmeta iznosi 59 dana, ali treba naglasiti da je vrijeme rješavanja predmeta na osnovnim referatima u pravilu kraće i od utvrđenih optimalnih rokova.

Tako na primjer: optimalni rok na drugostepenom parničnom referatu iznosi 207 dana, a predmeti su rješavani prosječno u roku od 57 dana; optimalni rok za drugostepeni postupak u privrednim sporovima iznosi 187 dana, a predmeti su rješavani prosječno za 53 dana; optimalni rok u drugostepenim prekršajnim predmetima iznosi 70 dana, a predmeti su rješavani u prosjeku za 23 dana.

Do prekoračenja predvidivih rokova najviše je došlo na krivičnom referatu što je posljedica štrajka advokata u Brčkom, koji je završen početkom 2020. godine i zbog nepovoljne epidemiološke situacije.

Na kraju izvještajnog perioda ostalo je nezavršeno 32 predmeta, od čega u 26 predmeta nije prekoračen predvidivi rok ili 81 %. Samo u 6 predmeta došlo je do prekoračenja predvidivog roka ili 19 %.

Prosječno trajanje neriješenih predmeta je 197 dana. Dugo prosječno trajanje neriješenih predmeta je direktna posljedica šest neaktivnih, „zatvorenih“ predmeta, zbog nemogućnosti formiranja novog tročlanog sudskog vijeća usljed nedostatka jednog sudije.

Analiza navedenih podataka, struktura riješenih i neriješenih predmeta sa aspekta poštovanja optimalnih i predvidivih rokova, pokazuje da u sudu ne postoje problemi koji utiču na efikasnost suda, osim nemogućnosti formiranja vijeća u šest „zatvorenih“ predmeta.

### ***Analiza raspoloživih resursa u sudu:***

Apelacioni sud Brčko distrikta Bosne i Hercegovine je u ovom izvještajnom periodu raspolagao sa optimalnim materijalno-tehničkim resursima.

Prema usvojenoj sistematizaciji sva radna mjesta su popunjena, osim jedne pozicije dodatnog sudije.

U ovom izvještajnom periodu jedan sudija sa građansko-privredno-upravnog referata bio je odsutan, zbog bolovanja, tri mjeseca.

### ***Analiza „perioda neaktivnosti“ u predmetima:***

Na krivičnom referatu ne postoje zatvoreni predmeti.

Na građansko-privredno-upravnom odjeljenju, na referatu vanrednih pravnih lijekova neaktivno je 6 predmeta zbog procesne nemogućnosti formiranja vijeća u novom sudijskom sastavu.

***Prijedlog mjera kako bi se utvrđeni predvidivi rokovi skraćivali i približavali optimalnim rokovima:***

Predsjednik suda je nastavio sa potenciranjem dužnosti sudija na rješavanju najstarijih predmeta u sudu u skladu sa Planom rješavanja starih predmeta za 2020. godinu. Preduzete mjere su dale rezultate tako da je zadržan visok procent od 95 % riješenih predmeta u optimalnim/predvidivim rokovima, dok je vrijeme trajanja riješenih predmeta manje od dva mjeseca. Pored toga, zadržana je povoljna struktura neriješenih predmeta s obzirom da je ostalo nezavršeno samo 32 predmeta i u 81 % tih predmeta nije prekoračen predvidivi rok.

***Ostalo:***